



Broj: 11-05/02-39-47447-6/23
Sarajevo, 03.11.2023. godine

SKUPŠTINA KANTONA SARAJEVO
-ovdje-

PREDMET: Odgovor na zastupničku inicijativu – Marijela Hašimbegović
Veza: vaš akt broj 01-04-39-23/23 od 20.09.2023. godine

Zastupnica Marijela Hašimbegović je Ministarstvu za odgoj i obrazovanje Kantona Sarajevo, dana 20.09.2023. godine, u skladu sa članom 106. Poslovnika Skupštine Kantona Sarajevo („Službene novine Kantona Sarajevo“, br. 41/12-Drugi novi prečišćeni tekst, 15/13, 47/13, 47/15, 48/16, 09/20, 14/20, 16/22 i 17/22-Ispravka), uputila sljedeću obrazloženu zastupničku inicijativu, citiramo:

“Upućujem hitnu inicijativu da se utvrdi zašto E-dnevnik nije stavljen u tehničku funkciju sa početkom školske godine. Na koji način vršite monitoring sprovedbe kurikuluma kada tehničke predispozicije nisu zadovoljene.

Obrazloženje:

Škole se počele sa radom 1. septembra 2023 godine i nastavnici još uvijek nemaju osnovne uslove za rad. Naime tehnički E - dnevnikje više od 10 dana van funkcije i potpuno je neupotrebljiv. Na koji način će nastavnici upisivati časove, predmete, ishode , indikatore.”

ODGOVOR:

U vezi s navedenom inicijativom, ovim putem Vas obavještavamo da je Ministarstvo za odgoj i obrazovanje Kantona Sarajevo zatražilo stručno mišljenje i očitovanje od JU Institut za razvoj preduniverzitetskog obrazovanja Kantona Sarajevo, na temelju kojeg smo pripremili ovaj odgovor.

Tehnički su e-dnevnici za osnovno i srednje obrazovanje u funkciji od početka školske godine. Budući da je došlo do grupisanja nastavnih predmeta u prvoj trijadi osnovnog obrazovanja, bilo je nužno uraditi određene izmjene u ednevniku za taj nivo obrazovanja. Iz trenutnih tehničkih ograničenja ovo nije bilo moguće uraditi, ali se pronašlo rješenje prevazilaženja ovog problema i sve škole su dobile instrukciju od nadležnog ministarstva krajem septembra kako da postupe u ovoj situaciji. Da bi bilo što manje nerazumijevanja, timovi za podršku su s nastavnicima organizovali sastanke kako bi upute iz instrukcije primijenili. Također JU Institut za razvoj preduniverzitetskog

obrazovanja Kantona Sarajevo je održao i sastanak s direktorima škola i EMIS odgovornim osobama u školama, te se još jednom pojasnilo rješenje.

Kurikularna reforma se dešava u učionici, na mjestima podučavanja i učenja, a tehnički i administrativni procesi nisu garanti kvaliteta nastave.

Praćenje provođenja nastave po ishodima učenja se odvija na više nivoa i sa više mehanizama: timovi za podršku, posjete školama od strane JU Institut za razvoj preduniverzitetskog obrazovanja Kantona Sarajevo, prisustvo ogledno-uglednim časovima kako nastavnika tako i saradnika iz JU Institut za razvoj preduniverzitetskog obrazovanja Kantona Sarajevo, pri čemu se nakon časova vodi konstruktivan i strukturiran razgovor o kvalitetu časa kroz 5 različitih aspekata, dijeljenjem dobrih praksi, te praćenjem nastave od strane direktora škole. No, pravi efekti će se ispitati vanjskim vrednovanjem kada za to dođe odgovarajuće vrijeme, nakon određenog ciklusa implementacije koja može da potvrdi samo efekte primjene predmetnih kurikuluma, bez preplitanja sa efektima tradicionalnog NPP-a.

S poštovanjem,


MINISTRICA

Naida Hoja-Muminović

Dostavljeno:

1. Naslovu
2. a/a



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba

2/2